



Vischnaunca Lumnezia

| Palius 32D, CH-7144 Vella | +41 (0)81 920 60 00 | info@lumnezia.ch | www.lumnezia.ch |

PROTOCOL RADUNONZA COMUNALA LUMNEZIA
17 D'OCTOBER 2025

2025/03

17 D'OCTOBER 2025
CANZLIA COMUNALA, 7144 VELLA
Palius 32D, 7144 Vella

Tractandas

1. Avertura	3
2. Protocol dalla radunonza communal da dils 08 d'uost 2025 (2025/02)	3
3. Rapport e quen annual 2024	4
4. Revisiun parziala plan da zonas e plan general d'allontanament d'aua (PGAA/GEP) project Cascharia Lumbrein	6
5. Project midada dall'antieriura casa communal da Vrin en ina abitaziun	8
a) Approbaziun dil project.....	8
b) Concessiun dil credit da CHF 450'000	8
6. Rendaments da quens finals	9
a) Sanaziun provediment d'aua Lumbrein Vitg etappa 1 e 2.....	9
7. Varia	9

Protocol dalla radunonza communal Lumnezia (2025/03)

Datum: Venderdis, ils 17 d'october 2025
 Liug: Aula dalla casa da scola Sutvitg 28E, 7144 Vella
 Cuoz: 20:00 – 21:35 uras
 Presents: 58 votantas e votants ed 1 hosp
 Parsura: Daniel Solèr, president communal
 Actuara: Anina Camenisch, actuara

Tractandas

1. Avertura

Il president communal Daniel Solèr arva la radunonza communal fagend beinvegni als presents ed engrazia ad els d'haver dau suatientscha agl invit.

La gliesta da tractandas per la radunonza hodierna ei vegnida publicada l'emprema ga ils 03 d'october 2025 el Fegl official dalla Surselva. Suenter quella publicaziun ha la suprastanza communal fatg in'ulteriura calculaziun da cuosts e constatau, che la summa numnada per la damonda dil credit per il project midada dall'anteriura casa communal Vrin, vegn buca a curclar ils cuosts prevedi. Ord quels motivs fa il president communal la damonda alla radunonza communal d'adattar la tractanda 5 cun alzar il credit da CHF 420'000 sin CHF 450'000.

La radunonza communal approbescha la midada dalla tractanda 5 cun igl alzament dalla damonda da credit sin CHF 450'000 cun gronda majoritad, senza cuntravusch ed in'abstenziun.

Il president communal constatescha, che la radunonza communal ei vegnida convocada ad uras conform allas determinaziuns digl artechel 44 ella costituziun dalla vischnaunca Lumnezia, aschia che la radunonza ei cumpetenta da prender conclus.

Seschau perstgisar han:

- Ciril Collenberg, Lumbrein (cumissiun da quen e gestiun)
- Rino Caviezel, Vella (cumandant da pumpiers)
- Marcus Caduff, Morissen (cusseglier guvernativ e president dalla Regenza Grischuna)

La radunonza elegia dus dumbravuschs:

- Conrad Andreoli, Vignogn
- Rino Demont, Vella

2. Protocol dalla radunonza communal dils 08 d'uost 2025 (2025/02)

Il protocol dalla radunonza communal dils 08 d'uost 2025 ei staus exponius naven dils 05 da settember 2025 ella canzlia communal e silla pagina d'internet dalla vischnaunca, pia duront silmeins 30 gis.

Tenor art. 34 dalla costituziun communal vegn il protocol dalla radunonza communal exponius per investa dils votants sil pli tard in meins suenter la radunonza duront 30 dis en casa communal e silla pagina d'internet dalla vischnaunca cun corrispundenta publicaziun. Recuors ein d'inoltrar en scret duront quei temps dall'exposiziun alla suprastanza communal. Ils recuors vegnan tractai alla proxima radunonza communal. Decisiva ei aschia la publicaziun silla pagina d'internet dalla vischnaunca (cun corrispundenta publicaziun).

Il president communal Daniel Solèr constatescha, ch'igl ei buca vegniu inoltrau recuors en scret aschia ch'il protocol dalla radunonza communal dils 08 d'uost 2025 (2025/02) vala sco approbaus tenor art. 34 dalla costituziun dalla vischnaunca Lumnezia.

3. Rapport e quen annual 2024

Il rapport ed il quen annual ein stai publicai ensemen cun las tractandas dalla radunonza communal sin la pagina d'internet. Per la radunonza communal vegn squitschau entgins exemplars sco era dau la pusseivladad entras il QR Code da saver prender investa dil rapport e quen annual.

Per la gestiun da finanzas valan las determinaziuns dalla constituziun communal e specialmein era l'ordinaziun cantunala da finanzas per las vischnauncas.

Il president communal Daniel Solèr presenta il quen annual 2024 e dat ina survesta generala dallas cefras impurtantas.

Il quen annual 2024 cuntegn las parts:

- Resultat cumplet
- Survesta rendaquen e cefras indicativas
- Quen da gudogn e sperdita
- Quen da gudogn e sperdita (tenor funcziuns)
- Quen d'investiziun
- Bilanza per ils 31-12-2024
- Quen dalla circulaziun dils mieds finansials
- Annexa tiel quen communal 2024
 1. Principis da presentaziun dalla contabilitad, bilanzaziun e valetaziun
 2. Cumprova digl agen capital
 3. Survesta dallas retenziuns
 4. Survesta dallas participaziuns
 5. Survesta dallas garantias
 6. Survesta da retscheviders da gronds pagaments
 7. Survesta dalla facultad finansiala
 8. Survesta dallas investiziuns bilanzadas dalla facultad administrativa
 9. Ulteriuras indicaziuns
 - 9.1. Fatschentas extraordinarias
 - 9.2. Contribuziuns garantidas dil stadi, cantun e tiarzs
 - 9.3. Regulaziuns da branscha per las amortisaziuns linearas dils camps da provediment ed allontanament che vegnan finansiai cun taxas
 - 9.4. Aczias e screts da participaziun ella facultad finansiala
 - 9.5. Tractament special da facultad administrativa tier la midada sin MAC2
 - 9.6. Valetaziun dils beins materials dalla facultad finansiala – divergenzas dalla valur commerciala
 - 9.7. Indicaziuns dalla facultad da gudiment buca bilanzada
 - 9.8. Controlla dils credits d'obligaziun
- Divergenzas preventiv communal 2024 cun quen communal 2024
- Survesta stan dils projects
- Rapport da revisiun dalla cumissiun da gestiun
- Rapport da revisiun dil post da revisiun

Survesta rendaquen

Quen da gudogn e sperdita sur treis scalems		quen 2024	preventiv 2024	quen 2023
Cuosts da menaschi		14'880'177.13	15'811'292.00	14'086'644.98
30	Cuosts da persunal	5'460'329.60	5'669'830.00	5'345'940.34
31	Cuosts da material e menaschi	5'400'562.70	6'298'222.00	5'015'009.15
33	Amortisaziuns facultad administrativa	453'444.00	715'000.00	404'590.97
35	Deposit en fondos e finanziaziuns specialas	47'920.48	6'200.00	84'070.92
36	Cuosts da transfer	3'517'920.35	3'122'040.00	3'237'033.60
37	Contribuziuns transitorias	0.00	0.00	0.00
Recavs da menaschi		16'718'809.50	14'928'905.00	15'434'836.75
40	Recav fiscal	7'744'856.31	6'978'000.00	7'878'189.33
41	Regals e concessiuns	3'108'153.25	2'349'000.00	1'724'793.30
42	Indemnisaziuns	2'106'470.68	1'727'160.00	2'198'534.67
43	Divers recavs	25'145.00	13'500.00	11'218.50
45	Prelevaziuns ord fondos e finanziaziuns specialas	219'896.86	438'115.00	143'380.90
46	Recav da transfer	3'514'287.40	3'423'130.00	3'478'720.05
47	Contribuziuns transitorias	0.00	0.00	0.00
Resultat dall'activitad da menaschi		1'838'632.37	-882'387.00	1'348'191.77
34	Cuosts da facultad	303'415.84	394'100.00	247'735.26
44	Recav da facultad	948'967.32	849'162.00	917'552.12
Resultat da finanziaziun		645'551.48	455'062.00	669'816.86
Resultat operativ		2'484'183.85	-427'325.00	2'018'008.63
38	Cuosts extraordinaris	0.00	0.00	0.00
48	Recav extraordinari	0.00	0.00	0.00
Resultat extraordinari		0.00	0.00	0.00
Resultat total quen da gudogn e sperdita (+ = surpli dils recavs / - = surpli dils cuosts)		2'484'183.85	-427'325.00	2'018'008.63
39	Scuntradas internas	1'680'498.35	1'686'475.00	1'807'149.35
49	Scuntradas internas	1'680'498.35	1'686'475.00	1'807'149.35
Quen d'investiziun		quen 2024	preventiv 2024	quen 2023
Cuosts d'investiziun		5'576'721.95	5'598'000.00	4'205'244.43
50	Beins materials dalla facultad administrativa	5'574'721.95	5'598'000.00	4'205'244.43
51	Investiziuns sin quen da tiarzas personas	0.00	0.00	0.00
52	Beins d'investiziun immaterials	0.00	0.00	0.00
54	Emprests	0.00	0.00	0.00
55	Participaziuns e capital da basa	2'000.00	0.00	0.00
56	Atgnas contribuziuns d'investiziun	0.00	0.00	0.00
58	Investiziuns extraordinarias	0.00	0.00	0.00
Recavs d'investiziun		1'565'260.45	440'000.00	1'463'571.90
60	Transferiments da facultad administrativa ella facultad finanzia	0.00	0.00	0.00
61	Restituziuns	72'678.55	0.00	146'347.90
62	Transferiments da beins d'investiziun ella facultad finanzia	0.00	0.00	0.00
63	Contribuziuns d'investiziun sin agen quen	1'492'581.90	440'000.00	1'317'224.00
64	Restituziuns d'emprests	0.00	0.00	0.00
65	Transferiments da participaziuns ella facultad finanzia	0.00	0.00	0.00
66	Restituziuns d'atgnas contribuziuns d'investiziun	0.00	0.00	0.00
68	Entradas d'investiziun extraordinarias	0.00	0.00	0.00
Resultat quen d'investiziun		-4'011'461.50	-5'158'000.00	-2'741'672.53
Atgna finanziaziun		2'765'651.47	-144'240.00	2'363'289.62
Resultat da finanziaziun (+ = surpli da finanziaziun / - = deficit da finanziaziun)		-1'245'810.03	-5'302'240.00	-378'382.91

Resultat complet	quen 2024		quen 2023	
	cuosts	recav	cuosts	recav
Quen da gudogn e sperdita	16'864'091.32	19'348'275.17	16'141'529.59	18'159'538.22
Resultat quen gudogn e sperdita	2'484'183.85		2'018'008.63	
Quen d'investiziun	5'576'721.95	1'565'260.45	4'205'244.43	1'463'571.90
Resultat quen d'investiziun		4'011'461.50		2'741'672.53
Surpli d'entradas quen da gudogn e sperdita	2'484'183.85		2'018'008.63	
Deposit finanziaziun speciala	47'920.48		84'070.92	
Prelevaziun finanziaziun speciala		219'896.86		143'380.90
Amortisaziuns	453'444.00		404'590.97	
Atgna finanziaziun (cashflow)	2'765'651.47		2'363'289.62	
Resultat quen d'investiziun		4'011'461.50		2'741'672.53
Deficit ni surpli da finanziaziun	1'245'810.03		378'382.91	

Il quen da gudogn e sperdita muossa entradas da CHF 19'348'275.17 ed expensas da CHF 16'864'091.32. Quei munta sut il streh in cashflow (atgna finanziaziun) da buca meins che CHF 2'765'651.47. La vischnaunca ha investau igl onn 2024 CHF 5'576'721.95. Suentar las deducziuns dallas subvenziuns resta ina summa netta d'investiziun da CHF 4'011'461.50.

Facultad finanziaria (mieds finanziajs liquids)	CHF	5'209'292.72
Capital jester (Obligaziuns finanziajs a liung termin)	CHF	89'000.00
Agen capital	CHF	50'117'109.74

Facultad netta per habitonts (diember habitonts 2080)	CHF	11'313.80
---	-----	-----------

Rapport da revisiun dalla cumissiun da quen e gestiun

Ord il miez dalla radunonza vegn buca giavischau il plaid aschia che Gionin Caduff, commember dalla cumissiun da quen e gestiun, engrazia a tut ils funcziunaris e collaboraturs dalla vischnaunca per la buna lavur prestada. Il quen ei menaus fetg schubers. Il sulet che vegn critica, ei ch'il quen annual ei puspei aschi tard avon radunonza communal, tgei che sa denton vegnir declarau cun la munconza da persunal ella partiziun finanzas. Igl ei legreivel ch'ei ha dau in bi gudogn denton ei la differenza cul preventiv aulta.

El fa als presents la proposta d'approbar il quen e rapport annual e da dar scarica alla suprastonza communal.

Il president communal engrazia als presents, spezialmein als suprastonts precedents sco era als suprastonts en uffeci ed al persunal communal per la buna lavur prestada.

Approbaziun dil quen annual 2024 cun dar scarica alla suprastonza communal

La radunonza communal concluda cun gronda maioritad, senza cuntravuschs ed abstenziuns, d'approbar il rapport e quen annual 2024 e da dar scarica alla suprastonza communal.

4. Revisiun parziala plan da zonas e plan general d'allontanament d'aua (PGAA/GEP) project Cascharia Lumbrein

Introducziun

- 1) La publicaziun dalla consultaziun da cooperaziun ei stada publicada enteifer 30 gis naven diils 29 d'uost 2025 el Fegl uffical Surselva. Sin quei ein neginas protestas vegnidas inoltradas.
- 2) Actualmein sesanfla la cascharia ella zona d'edifecis publics (Zone für öffentliche Bauten), ella ei il sulet baghetg en quella zona. Ils baghetgs vischinonts sesanflan ella

zona d'engrondiment dil vitg 2 ed ella zona da habitar 2. Igl entir baghetg niev dalla cascharia duei sesanflar ella zona per edifecis publics.

- 3) La via vegn dislocada e baghegiada da vart seniastra. La lingia dalla nova via taglia minim la parcella 5035 da Gion Flurin e Fabian Cabalzar. La vischnaunca Lumnezia ha saviu far cun els ina cunvegnientscha, ch'ei gia vegnida suttascretta.
- 4) La realisaziun dil project presenta Ursin Riedi, president dalla societad da Cascharia Lumbrein.

La cascharia sco oz existenta ei vegnida els onns, aschia che pli grondas investiziuns ein necessarias e quei risguardond il futur e per la proxima generaziun. La societad ha saviu aquistar la parcella nr. 5048 a Vigela ch'ei buca surbaghegiada sco era segirar in dretg da precumpra per il baghetg che sesanfla sillas parcelas 5032 e 5033. Ei setracta d'in project da modernisaziun. Las localitads actualas ein memia pintgas per la grondezia dil menaschi. Oz tonscha il plaz da deposit ellas localitads dalla cascharia buca pli e che sto schizun vegniu deponiu las magnuccas caschiel a Vrin ed a Lumbrein. Cul niev object sa il process vegnius adattaus e megliuraus.

La societad da Cascharia Lumbrein ha organisau occurenzas d'informaziun nua ch'ils vischins pertuccai directamein dil project han saviu prender investa dils plans e menar la discussiun ensemen culla societad da cascharia.

La conformitad dalla zona per edifecis publics era adina stau ina damonda. La cascharia ei buca ina scola ni canzlia communal denton ei en quei cass igl interess public avon maun. L'idea da mantener la produenziun ord il latg dall'Alp Staviala Vedra, pia il latg indigen, ei adina stada presenta e quei el medem liug a Lumbrein.

Discussiun

Martin Cabalzar, Cumbel: Igl ei vegniu menziunau ch'ei seigi interess public. El damonda sch'ei vegn suenter era spitgau in engaschament finanziar dalla vischnaunca ni fan quei ils purs ord atgna iniziativa ed ein responsabels per la finanziaziun?

Il president communal, Daniel Solèr explichescha ch'igl ei ord vesta da vischnaunca buc in pregiudezi. Las discussiuns davart la finanziaziun ston pér aunc vegnidas fatgas. La vischnaunca ei pertuccond sustegn finanziar buca vegnida contactada.

Ursin Riedi dir ch'ei va en emprema lingia pigl engrondiment dalla zona. Il calcul da cuosts e leutier la finanziaziun ein aunc buca finalisai. La societad da cascharia vegn a far la damonda per in susteniment alla vischnaunca aschi spert sco ch'il project da baghegiar ei avon maun. La vischnaunca ei era colligiada cun l'Alp Staviala vedra, che porta p.ex. sur la pipeline latg ella cascharia.

Martin Cabalzar damonda tgei che quei vul dir, la vischnaunca paga ed il pur gauda?

Ursin Riedi explichescha ch'igl indrez ei ord material fetg custus per tener en las prescripziuns da higiena. Guder sin donn e cuosts dalla vischnaunca seigi buca il cass. Igl ei buc ina SA ni ina fatschenta davostier mobein ina societad che semetta en per tener l'atgna produenziun ord il latg indigen e leutier plazzas da lavur ella vischnaunca.

Il president communal, Daniel Solèr dir ch'ei vegni forsa zacu a dar ina damonda e la suprastanza communal decidì lu schebein il project duei vegnius sustenius.

Martin Cabalzar damonda nua che la politica sengascha ell'economia? Cheu drovi criteris che san vegnir miserai cun las medemas cundiziuns, consequentamein per tuts.

Quei input vegn priu per enconuschientscha.

Simon Arquisch, Lumbrein ei in convischin directamein pertuccaus. Denter el ed Ursin Riedi hagi dau ei entgins discuors. El vegli mo far attents ch'ella lescha da baghegiar Lumnezia ei la zona d'edifecis publics buca menziunada. Sulettamein ella lescha da baghegiar dall'anteriura vischnaunca Lumbrein hagi el anflau la descripciun dalla zona.

Igl input vegn prius encunter e sclarius giu entras il cau dil departement per fatgs da baghegiar, Gian Caduff.

Il cau dil departement per fatgs da baghegiar, Gian Caduff menziuna ch'el hagi era buca gest anflau la descripziun dalla zona ella nova lescha da baghegiar. Pli tard ha il cau dil departement saviu da sclariment sinaquei ch'el ha giu anflau las menziuns ella nova lescha da baghegiar. Ella nova lescha da baghegiar seigien las differentas zonas stipuladas egl art. 20. Plinavon vegn fatg attents sch'igl ei buca stipulau ella lescha communal, lu vala la lescha surordinara dil cantun.

Proposta

Approbar la revisiun parziala dil plan da zonas e plan general d'allontanament d'aua (PGAA/GEP) project Cascharia Lumbrein.

Conclus

La radunonza communal decida cun gronda maioritad, senza cuntravusch ed ina abstenziun d'approbar la revisiun parziala dil plan da zonas e plan general d'allontanament d'aua (PGAA/GEP) project Cascharia Lumbrein.

5. Project midada dall'antieriura casa communal da Vrin en ina abitaziun

a) Approbaziun dil project

b) Concessiun dil credit da CHF 450'000

Introducziun

Gion A. Caminada presenta il project alla radunonza communal

- 1) Tgei parts che vegnan a restar, autras che vegnan nezegiadas entuorn e sco che las differentas stanzas san vegnir utilisadas.
- 2) Il surcombras vegn buca pli a restar demai che l'altezia ei per habitar ei buca dada.
- 3) Calcul da cuosts incl. taglia sin plivaleta:

Lavurs da preparaziun	CHF	16'030.00
Lavurs vid igl object	CHF	276'600.00
Planisaziun e survigilonza	CHF	92'700.00
Contuorn	CHF	4'000.00
Cuosts accessorics	CHF	11'500.00
Divers, indrezs e reserva	CHF	49'170.00
Total	CHF	450'000.00

Damondas

Curdin Capeder, Cumbel damonda schebein igl ei da quintar cun in sustegn finanziel dalla tgira da monuments.

Gion A. Caminada rispunda che cun contribuziuns dalla tgira da monuments eis ei buca da quintar.

Proposta

Approbar il project per la midada dall'antieriura casa communal da Vrin en ina abitaziun e conceder il credit da CHF 450'000.

Conclus

La radunonza communal decida unanimamein d'approbar il project e conceder il credit da CHF 450'000.

6. Rendaments da quens finals

a) Sanaziun provediment d'aua Lumbrein Vitg etappa 1 e 2

Introducziun

Martin Sgier, cau dil departement agricultura e forestal presenta il rendament da quen final.

Total cuosta da project	<u>CHF 2'363'348.46</u>
Total credit da planisaziun radunonza communal	
dils 22-03-2019	CHF 230'000.00
Total credit votaziun all'urna dils 09-02-2020	CHF 2'100'000.00
Surpassament dil credit	<u>CHF 33'348.46</u>

Proposta

Approbar il rendamen final dil project dalla sanaziun dil provediment d'aua Lumbrein Vitg etappa 1 e 2 cun in surpli da credit da CHF 33'348.46.

Conclus

La radunonza communal decida unanimamein d'approbar il rendamen final dil project dalla sanaziun dil provediment d'aua Lumbrein Vitg etappa 1 e 2 cun in surpli da credit da CHF 33'348.46.

7. Varia

1) Menziuns dil president communal, Daniel Solèr:

- Axian Infoma
 - Contractivas ein serradas giu e la collaboraziun vegn cuntinuada tochen fin 2029 (tenor contract)
- Ulivaziun da finanzas 2026
 - 2026; Ulivaziun da resursas CHF 816'242.- (+ CHF 70'778 enviers 2025) ed ulivaziun da las grevezias geografic-topograficas e da scola CHF 1'886'788 (+ CHF 173'668 enviers 2025)
- Zonas da prighel vischnaunca Lumnezia
- Scriver d'informaziun digl uffeci da planisaziun dils 06 d'october 2025 en connex cul RPG 2
- Informaziun project infrastruttura da sport a Bual/Vella
 - Inoltrau sis projects da concorrenza
 - Workshop digl 01. d'october 2025 cun evaluaziun e decisiun dil victur dalla concorrenza
 - Project «modulin» dall'architettura Sgier da Vella ha gudignau
- Corp da pumpiers Lumnezia naven digl 01. da schaner 2026
 - Elegiu Franco Caminada sco niev cumandant, Thomy Sgier sco niev vice-cumandat ed Ursin Bundi sco niev cau da material.
- Informaziuns KOKWZ
 - Fundau societad da projectaziun per il retuorn a tschep
 - Inoltrar il project dalla transiziun Lumnezia fin digl onn 2025
- Occurenza d'informaziun entras il Spital Regional ils 30 d'october 2025. La radunonza da delegai SanaSurselva ei fixada ils 11 da november 2025. Alla radunonza da delegai vegn decidu sur dalla nova convegnientscha da prestaziun denter la SanaSurselva ed il Spital Regional Surselva.

- Valetaziun da 960 vischnauncas entras la gasetta « Bilanz, Gemeinderanking 2025 »
 - Vischnaunca Lumnezia sin plaz 124 (Disentis/Mustér 90, Samedan 119, Ilanz/Glion 129). Lumnezia sil 20avel plaz el cantun Grischun.
 - Valetai ein vegni ils suandonts facturs; Taglia, educaziun, mobilitad, qualitat da viver, etc.

- Rumida da neiv:

Vias da megliuraziun

- L'idea davos la publicaziun davart la rumida dallas vias da meglieraziun ei, ch'ins ha la survesta dil stan dallas vias digl atun e suenter la cumperegliaziun la primavera. Quei ei impurtont, cunzun sch'ei havess da dar donns entras la rumida da neiv.

Vias communalas

- Biars parcadis privats vegnan rumir dalla vischnaunca. Aschia vegnan buca pli novas annunzias pridas encunter. Tals che recloman duas ga che lur parcadi ei buca fatg ora enuorden ni memia tard, vegn buca pli rumiau la neiv entras il menaschi tecnic ed il contract vegn sligliaus per immediat.

2) Menziuns ord las retschas dalla radunonza communal

Kurt Soller, Vella menziuna ch'igl urari da posta disturbi el. Naven dallas 21.30 vegni negin cuors pli en Lumnezia, denton vegnien aunc treis trens si da Cuera suenter quellas uras. Sch'ins savess mirar ch'ei detti in cuors tard, fuss quei segir in aspect che fa habitar ella vischnaunca pli attractiv. La damaun ein ils cuors ensesez buns.

Il president communal, Daniel Solèr declara ch'igl urari 2025/2026 ei gia fixaus e ligionts naven da miez december 2025. Igl input per in'adattaziun digl urari dalla posta cun in cuors supplementar la sera tard sappi era aunc vegniu discutau bilateral. Tgei che ha saviu vegnir megliurau, ei il transport dils scolars.

Andreas Calvadetscher, Tersnaus dir ch'el vesi era la tematica culla colligiazion dalla Lumnezia sut leu nua che las colligiazions cuntentien buca. Per el fa il tact da mes'ura pauc senn, meglier fussi in cuors la sera pli tard che ussa fixau.

Igl input dad Andreas Clavadetscher vegn priu per enconuschientscha.

Ei vegn buca pli giavischau il plaid ed il president communal, Daniel Solèr siara la radunonza.

El engrazia a convischinas e convischins per la participaziun, pil sustegn e la confidanza demussada enviers la suprastanza communal. Il president engrazia al persunal ed a tut ils gremis e funcziunaris che han collaborau en ina fuorma ni l'autra.

7144 Vella, ils 17 d'october 2025

Il president:

L'actuara:

Daniel Solèr

Anina Camenisch